

子廼興兵誅閩粵死亡以報德遣太子嬰齊入宿衛謂

助曰國新被寇使者行矣胡方日夜裝入見天子助去

後其大臣諫胡曰漢興兵誅郢亦行以驚動南粵且先

王言事天子期毋失禮要之不可以怵好語入見師古曰怵

誘也不可被誘怵以好語而入漢朝也怵音先聿反入見則不得復歸亡國之執

也於是胡稱病竟不入見後十餘歲胡實病甚太子嬰

齊請歸胡薨諡曰文王嬰齊嗣立即臧其先武帝文帝

璽李奇曰去其僭號嬰齊在長安時取邯鄲嫪氏女師古曰嫪音居虬反

生子興及即位上書請立嫪氏女為后興為嗣漢數使

使者風諭師古曰風讀曰諷諷諭令入朝嬰齊猶尚樂擅殺生自恣懼